

乾隆寧夏府志

清 张金城 修

清 杨浣雨 纂

陈明猷 点校

乾隆宁夏府志

下

宁夏人民出版社

宁夏史料丛刊

乾隆宁夏府志

〔清〕张金城 修

〔清〕杨浣雨 纂

陈明猷 点校

宁夏人民出版社出版发行（银川市解放西街105号）

新华书店 经销 内蒙古乌海市印刷厂印刷

开本：850×1168 1/32 印张：31.25 字数：584千 插页：12

印数：1——3,200册

1992年11月第1版

1992年11月第1次印刷

责任编辑：景永时 郭光华 封面题字：董一博

封面设计：郭晋鲁 责任校对：朱洁

版式设计：李茂华

ISBN7-227-00686-7/K·89 定价：19.50元（上、下册）

宁夏府志卷十三

人物〔一〕乡献

人物不必尽出于贡举，而归贡举者恒多。何者？山川之钟毓，与政教之培养，相需而成，理固然也。自汉以后，灵、夏伟人间出，史不绝书，可谓盛矣。若其矢节阉阉、肥遁邱园，才技艺能之士，产此土、寓此邦者，各以其所长著称，亦史乘之前则也。志人物。

汉

1 傅燮，字南容，灵州人。黄巾贼乱，燮上疏陈致乱之原，请速行逸佞之诛，言甚剴切，语在本传中。常侍赵忠恶之，会燮功当封，忠潜之。帝犹识燮言，不加罪，寻任为议郎。每公卿有缺，众议必归之。帝使忠讨论黄巾功，忠使弟延致殷勤于燮曰：「公当少答我常侍。」

万户侯可得也。『變正色曰：『遇不遇，命也；有功不论，时也。』傳變豈求私賞哉！』忠愈恨，然憚其名，不敢害。出为汉阳太守。韩遂拥兵十余万，围汉阳，城中兵少食尽。變子千年十三，言于變曰：『国家昏乱，遂令大人不容于朝。今兵不足以自守，宜还乡里，徐俟有道而辅之。』變慨然叹曰：『汝知吾必死耶？』圣达节，次守节，殷纣暴虐，伯夷不食周粟而死。吾遭世乱，不能养浩然之气，食人之禄，又欲免其难乎？吾行何之？必死于此。汝有此才智，勉之，勉之！』遂挥左右进兵，临阵战歿，谥曰壮节侯。

魏

2 傳嘏，字兰石。弱冠知名，有精识远鉴，达治理，司空陈群辟为掾。刘邵作考课法，嘏建议驳之，时皆韪其论。后为河南尹，治以德教为本，持法有恒，简而不可犯。迁尚书，众方议伐吴，献策各不同。嘏谓惟进军大佃，坐食积谷，乘衅讨袭，无远劳费，振长策以御敌之余烬，斯为全胜计。时不从。魏军竟为诸葛恪所败，司马景王平母丘俭、文钦，嘏有谋焉。景王薨，嘏与司马文王径还洛阳，遂以辅政，后以功进封杨乡侯。卒时年四十七，谥曰元侯。

5 **傅元**，字休奕，燮之孙，性刚劲亮直。州举秀才，除郎中。武帝即位，初置谏官，以玄为之。寻迁侍中，转司隶校尉。每奏劾，无所容，贵游震慑，台阁生风。封清泉侯，卒谥曰刚。

6 **傅咸**，字长虞，元之子，刚简有大节。袭父爵，拜太子洗马。累迁御史中丞，兼司隶校尉。顾荣称其「劲直忠果，劾案惊人。」

7 **傅瑗**，咸之孙，以学业知名。仕晋，官至安定太守。

南北朝

8 **傅亮**，字季友，善文辞。宋国初尚书令。武帝有受禅意，亮悟旨，请暂还都，许之。亮出，夜见长星竟天，拊髀曰：「我常不信天文，今始验矣。」至都，帝即征入辅少帝即位，领护军将军。少帝废，亮奉迎文帝即位，加开府仪同三司，元嘉三年被害。

9 傳迪，亮之兄也。仕宋，官至尚書，亮方貴，迪每深誠焉，而不從。見世路屯險，著論名曰演慎。及少帝失德，內懷忧惧。直宿禁中，睹夜蛾赴燭，作感物賦以寄意。

10 傳昭，字茂遠，咸七世孫也。袁凱常來昭所，昭讀書自若，神色不改。凱嘆曰：「此兒神清不凡，必成佳器。」安成郡自宋來兵亂相接，府舍稱凶，每昏旦間，人鬼相觸。及昭為內史，有人夜見甲兵出曰：「傳公善人，不可侵犯。」乃騰而去。有頃風雨总至，飄郡厅事，入隍中，自是郡遂无患，咸以昭真正所致。昭莅官常以清静為政，不尚严肃。居朝无所請謁，

伏，惠化如神，何以至此？」答曰：「无他，清则宪纲自行，勤则事无不理。宪纲自行则吏不能欺，事自理则物无凝滞，欲不理得乎？」又代刘元明为山阴令，问玄明曰：「愿以旧令尹告新令尹。」答曰：「我有奇术，卿家谱所不载，临则当相示。」既曰：「作县令惟日食一升饭，而莫饮酒，此第一策也。」

14 傅岐，字景平。翺之子。美容止，博涉能占对。豫州刺史贞阳侯萧渊明率众伐彭城，兵败陷，遣使还述魏人，欲更通和好。敕有司及近臣定议，朱异曰：「和为便。」议者并然之，岐独曰：「此必是设间，故令贞阳遣使，令侯景自疑，不可许。」高祖从异议。侯景果疑，举兵反，复通表，乞割江右四川当解围。敕许之。景求遣宣城王出送。岐固执宣城嫡嗣之重，不宜许，遣石城公太款送之。及与景盟讫，城中文武喜跃，望得解围，岐独曰：「此和终为贼所诈。」众并怨怪之。及景背盟，莫不叹服。寻有诏以岐勤劳，封南丰县侯，不受，宫城失守，岐带疾出围，卒。

15 傅緯，字宜事。幼聪敏，七岁诵古诗至十余万言。为文典丽，性又敏速，虽军国大事，下笔辄成，未尝起草，甚为后主所重。然性强，颇负才使气，陵侮人物，朝士多衔之。会施文

晋

3 傅祗，字子庄，嘏之子，性至孝，早知名，以才识明练称。起家太子舍人，累迁散骑黄门侍郎，赐爵关内侯。阳骏辅政，欲悦众心，议晋封爵。祗作书止之，骏不从。骏诛，祗为侍中，多所推正。赵王伦辅政，以为中书监，祗辞以疾，伦遣御史与祗就职。王戎、陈准等相谓曰：「傅公在事，吾属无忧矣。」其为人物所倚信如此。怀帝即位，加右仆射中书监。及洛阳陷没，众共建行营，推祗为监主，赴告方伯，征义兵。祗自屯盟津，以暴疾薨。自以义诚不终，力疾手书，敕励其二子宣、畅，词旨深切，览者莫不感激慷慨。宣、畅亦并有令名。

4 梁祚，北地泥阳人，笃志好学，历治诸经，尤善公羊春秋、郑氏易，常以教授，有儒者风。与幽州别驾平恒有旧，恒时相请，屈与论经史。辟秘书中散，稍迁秘书令。为李欣所排，出为统万镇司马。征为散令撰，并陈寿三国志，名曰国统，又作代都赋，颇行于世。清贫守素，不交势贵。年八十七卒。

庆、沈管卿以佞见幸，专制衡轴，而绎益疏文庆等。因共潜之，后主收绎下狱。绎素刚，因愤恚，于狱中上书。后主怒，顷之稍解，使谓曰：「我欲赦卿，卿能改过不？」绎对曰：「臣心如面，面可改，则臣心可改。」后主益怒，令宦者穷其事，赐死狱中。

16 **傅宏之**，字仲度，泥阳人。傅氏旧属灵州，汉末郡境为虏所侵，失土寄寓冯翊，置泥阳、富平二县，灵州废不立，故傅氏悉属泥阳。晋武帝太康三年，复立灵州县，傅氏还属灵州。宏之少倜傥，有大志，历官建威将军、顺阳太守，从高祖入关。宏之素善骑乘。高祖至长安，宏之于姚宏驰道内缓服戏马，或驰或骤，往返二十里中，甚有姿制，羌胡聚观者数千人并惊叹。进为桂阳公，义真雍州治中从事史，除西戎司马、宁朔将军，略阳太守。平徐师高，屡破赫连环。后义真东归，佛佛倾国追蹶，宏之军败不屈死，时年四十二。

17 **傅隆**，字伯祚。高祖咸，晋司隶校尉。曾祖晞，司徒。隆少孤贫，有学行，不好交游，年四十始为建威将军。元嘉初，迁御史中丞。当官而行，甚得司直之体，出为义兴太守，有能名。寻转太常致仕，手不释卷，博学多通，特精三礼，谨于奉公，常手抄书籍。

18 宿石，朔方人，赫连屈丐弟文陈之曾孙也。父查干从世祖讨蠕蠕战歿。石年十三袭爵。从于苑中狩猎，石走马引前，道峻马倒，殒绝久之乃苏，由是御马得制。高宗嘉之，赐以绵帛、骏马。又常从猎，高宗亲欲射猛兽，石叩马谏，引帝至高原上，后猛兽腾跃杀人。帝褒美其忠，赐马一匹，尚上谷公主，拜驸马尉，位吏部尚书，进爵太山公。卒，子倪袭爵。

隋

19 李彻，字广达，岩绿人。性刚毅，有器干，伟容仪，多武艺。武帝时从皇太子西讨吐谷浑，以功赐爵同昌县男。后从拔晋州，及帝班师，彻与齐王宪屯鸡栖。原齐王高纬遣其骁将，蹶宪于晋州，宪师败。彻等力战，宪章赖以获全。复从帝破齐师于汾北，乘胜下高壁，拔晋阳，擒高潜于翼州，俱有力焉，宣帝即位，从韦孝宽略定淮南，每为先锋。淮南平，授淮州刺史，安集初附，甚得欢心。隋高祖受禅，进爵齐安郡公。时蜀王秀亦镇益州，上谓侍臣曰：「安得文同王子相，武如李广达者乎？」其见重如此。沙钵略率兵犯塞，上令卫王爽为元帅，率众击之。以彻为长史。遇虜于白道，彻率精骑五千掩击，大破之，沙钵略潜遁。以功加上

大将军。沙钵略因此称藩。未几，沙钵略为阿拔所侵，上疏请援。以彻为行军总管，率精骑一万赴之。阿拔闻而逃去。左仆射高颎之得罪也，以彻素与颎相善，因被疏忌，不复任使。

20 **史祥**，字世休，朔方人，少有文武才干。高祖践祚，拜祥同领交州事，颇有惠政，转骠骑将军。从王世积伐陈，破之，进拔江州。后以行军总管从晋王广击突厥于灵武，破之。迁右卫将军，率兵弘化以备胡。炀帝初，汉王谅祚反，遣其将慕容良自崐口徇阳塞，白马津，余公理自大行下河内。帝以祥为行军总管，军于河阴，祥谓军吏曰：「余公理才用素不足称。」乃又令军中修攻具，仍简精锐，于下流潜渡讨慕容良等。良弃军走，祥纵兵乘之，杀万余人。进位上将军，赐缣彩七千段，女妓十人，良马二十四匹，转太仆卿。帝尝赐祥诗，祥上表辞谢。帝降手诏嘉奖，寻迁鸿胪卿。从征吐谷浑，祥众出间道击破之，俘男女千余口，赐奴婢六十人，马二百匹，进位左光禄大夫，拜左骁卫将军。

21 **史云**，字世高，祥之兄，官至莱州刺史，武平县公。

22 **史威**，字世武，祥之弟。官至武贲郎将，武当县公。

23 宇文忻，字仲乐，朔方人。从周武帝平齐，进位大将军。佐高颎破尉迥，加上柱国，封英国公。忻少解兵法，馭戎齐整。当时大军有一善事，虽非忻所建，在下辄相谓曰：「此必英公法也。」

唐

24 韩游环，灵武人。始为郭子仪裨将，安禄山反，赴难，功第一。李怀光反，诱游环为变，游环自发其书。帝曰：「卿可谓忠义矣，功与浑瑊齐。」

25 杨怀宾，朔方人，为韩游环将。李怀光反，怀宾杀贼党张昕及同谋者，告行在，德宗劳问，授御史中丞。

26 杨朝晟，字叔明，夏州朔方人，兴行间，历官邠宁节度使。朝晟请城方渠，合道木波

以遏吐蕃路。诏问：「须兵几何？」报曰：「部兵可办。」帝问：「前日城五原，兴师七万，今何易耶？」对曰：「盐州之役，虜先知之。今薄戎而城，虜料王师不十万，势难轻入。若发部兵，十日至塞下，未三旬城毕，集刍聚粮，留卒守之，寇至不可拔，菜野翦夷，虜且走，此万全计也。若大发兵，阅月乃止，虜亦来，来必战，战则不暇城矣。」帝纳其策。师次方渠，水乏，有青蛇降险下，走视其迹，水从而流。朝晟使筑防环之，遂为淳渊，士饮仰足。图其事以闻，有诏置祠，命泉曰「应圣」。已成，虜众至，度不能害，乃引去。

27 **戴休颜**，夏州人，家世尚武，志胆不常，郭子仪引为大将。讨平党项羌，以功封咸宁郡王兼朔方节度使副使。朱泚反，率兵驰奔行在，德宗嘉之，赐实封二百。后留守奉天，李怀光屯咸阳，使人诱之，休颜斩其使，勒兵自守。迁奉天行营节度使，合浑瑊兵破泚，斩首三千级，追至中渭桥，京师平。又与瑊率兵趋岐阳，邀泚残党，加检校尚书右仆射，从乘輿至京师，拜左龙武军统军。卒，赠扬州大都督。弟休璇，历开府仪同三司，封东阳郡王。休晏历辅国大将军，封彭城郡公。俱以将略称。

28 **史敬奉**，灵州人。走逐奔马，矛矢在手，前无强敌。破吐蕃，解盐州围，益封五千户，

语在「宦迹」。

29 **何进滔**，灵州人。少客魏，事田宏正，宏正攻王承宗，承宗引精骑千余驰魏壁。进滔率猛士逐之，几获。从讨李师道，以功兼侍御史。史宪诚死，军中传呼曰：「得何公事之，军安矣！」进滔下令曰：「公等既迫我，当听吾令。」众唯唯。执杀前使及监军者，斩九十余人，释胁从者。素服临哭，将吏皆入吊。诏拜留后，俄进授节度使。居魏十余年，吏民安之。

30 **康日知**，灵州人，少事李惟岳，擢赵州刺史，惟岳叛，日知与别驾李濯及步将百人共盟固州自归。惟岳怒，遣先锋兵马使王武俊攻之。日知使客说武俊引兵还，斩惟岳以献。德宗美其谋，擢为深赵观察使。会武俊拒命，遣将攻赵州。日知破之，上俘京师。徙奉诚军节度使，又徙晋绛，加检校尚书左仆射，封会稽郡王。卒，赠太子太师。子志睦以功封会稽公，承训亦以功封会稽郡男。

31 **李抱玉**，本安兴贵曾孙，世居河西。沉毅有谋，尤忠谨。代宗朝兼泽潞节度使。弟抱贞，沉虑而断，初授汾州别驾，后擢州刺史兼泽潞节度副使。时赋重人困。军伍凋刈，抱贞

乃籍户丁，蠲其徭租。闲月习射，岁终大较，亲第其能否而赏责之。三年皆为精兵。

宋

32 周美，字之纯，灵州回乐人，以才武称。真宗幸澶州，常令宿卫。累迁秩副都总管。在边十余载，所向辄克，诸将服之。

33 周永清，字肃之，世家灵州。州陷于夏，祖美归京师，永清以荫从仕。宰相庞籍荐其忠勇，加阁门祗候。押时服赐夏国至宥州，夏人受赐不跪，诘之，恐而跪。历渭州铃辖。渭兵劲而阵伍不讲，永清训以李靖法。帅蔡挺上其图以令诸军。知德顺军，夏众人寇，擒其酋吕效忠。募勇士夜袭夏帐，斩三百级，俘数千人，获驼马甲器万计，并寨禁地三百里。盗耕不可禁，永清拓籍数千顷，置射士二千，声闻敌廷。降者引入帐下，待之不疑，多得其死力，威名甚著。擢泾原路铃辖，知泾州。

34 **幹道冲**，字圣宗，灵武人，其先从伪夏主迁兴州，世掌夏国史。道冲通五经，为番汉教授，译论语注，别作解义三十卷。又作周易卜筮断，以其国字书之。行于国中。后官至其国之中书宰相。

元

35 **李徵**，字干臣，夏国族子，金末以儿童中选。既长入为质子，以文学得近侍，元太宗嘉之。后从伐金及下淮甸，累官广阳军马万户。

36 **高智耀**，河西人，世仕夏。祖良惠为夏右丞相。智耀登本国进士。夏亡，隐贺兰山，元太祖召见将用之，遽辞归。后人见宪宗，言儒者宜蠲徭役。世祖时又言儒术有补治道。拜翰林学士，迁西夏中兴等路提学按察使。卒，赠夏国公，谥文忠。子睿年十六，授符宝郎，出入禁闕，详雅恭谨。历嘉兴路总管、浙西淮东廉访使，所至有政绩，两为南台御史中丞。务持大体，有儒者风。子纳麟亦官至太尉。